

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI
Broj: 004-0-SuDp-23-000690
Zenica, 17.05.2023.godine

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14 i 59/22), te na osnovu preporuke Komisije za javne nabavke imenovane rješenjem broj: 004-0-SuDp-23-000582 od 26.04.2023. godine po provedenom postupku javne nabavke računara i računarske opreme putem konkurentskog zahtjeva za dostavljanje ponuda, predsjednica Kantonalnog suda u Zenici donosi

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke, te se Ugovor za javnu nabavku robe – računara i računarske opreme dodjeljuje ponuđaču “Emado” d.o.o. Sarajevo za ponudu broj: NR1105-99/23 od 06.05.2023.godine, za ponuđenu cijenu od 31.610,00 KM bez PDV-a, kao najpovoljnijem ponuđaču nakon završetka e-aukcije.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ugovor o nabavci Ugovorni organ će potpisati i dostaviti na potpis izabranom ponuđaču nakon isteka roka od 15 dana od dana prijema Odluke o izboru najpovoljnijeg ponuđača od strane svih ponuđača.

Član 5.

Ova odluka stupa na snagu danom donošenja.

Obrazloženje

Postupak javne nabavke robe računara i računarske opreme pokrenut je Odlukom o pokretanju postupka javne nabavke broj: 004-0-SuFin-23-000091 od 26.04.2023. godine. Postupak javne nabavke je proveden putem konkurentskog zahtjeva za dostavljanje ponuda za koji je objavljeno obavještenje o nabavci broj: 2885-7-1-29-3-6/23 dana 26.04.2023. godine na Portalu javnih nabavki.

Postupak nabavke provela je Komisija za javne nabavke imenovana rješenjem broj: 004-0-SuDp-23-000582 od 26.04.2023. godine. Komisija za javne nabavke je dostavila predsjednici suda Zapisnik o pregledu i ocjeni ponuda broj: 004-0-SuDp-23-000583 od 11.05.2023. godine i Zapisnik nakon provedene e-aukcije broj: 004-0-SuDp-22-000583 od 17.05.2023. godine sa preporukom o izboru najpovoljnijeg ponuđača.

Komisija za javne nabavke je navela da je blagovremeno i pravilno izvršila otvaranje, pregled i ocjenu kvalifikovanosti prispjelih ponuda u skladu sa kriterijima iz tenderske dokumentacije, o čemu je sačinila odgovarajuće zapisnike u kojima je utvrđeno da su u predmetnom postupku zaprimljene četiri ponude i to sljedećim redoslijedom:

R.B	Naziv ponuđača
1.	Emado d.o.o. Sarajevo
2.	Inter-Com d.o.o. Zenica
3.	Printex d.o.o. Sarajevo
4.	PR Media Market Prijedor

te da su sve dostavljene ponude kvalifikovane i prihvatljive, odnosno da su uz ponude dostavljeni svi dokazi traženi tenderskom dokumentacijom.

Nakon izvršenog pregleda i ocjene ponuda zakazana je e-aukcija za dan 16.05.2023. godine u 9,00 sati sa predviđenim početnim trajanjem e-aukcije od 10 minuta. Po okončanju e-aukcije a u skladu sa utvrđenim kriterijem „najniža cijena“ Komisija je utvrdila konačnu rang listu ponuđača:

R.B	Naziv ponuđača	Ukupna cijena ponude bez PDV-a
1.	Emado d.o.o. Sarajevo	31.610,00 KM
2.	PR Media Market Prijedor	32.024,00 KM
3.	Inter-Com d.o.o. Zenica	32.052,00 KM
4.	Printex d.o.o. Sarajevo	32.052,00 KM

Po okončanju e-aukcije utvrđeno je da je da se ponuđači nisu natjecali i da je najniža cijena ponude ponuđača Emado d.o.o. Sarajevo koja iznosi 31.610,00 KM bez PDV-a, te je ista ocjenjena kao najpovoljnija ponuda, s obzirom da je kriterij za dodjelu ugovora najniža cijena.

Dakle, s obzirom da je isključivi kriterij prilikom ocjene kvalificiranih ponuđača najniža cijena, Komisija za javne nabavke je predsjednici Kantonalnog suda u Zenici dala preporuku da se donese Odluka o izboru najpovoljnijeg ponuđača i dodijeli ugovor za nabavku robe računari i računarska oprema ponuđaču Emado d.o.o.Sarajevo, što je u skladu sa Zakonom o javnim nabavkama, podzakonskim aktima i tenderskom dokumentacijom.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju utvrđeno je da je ponuđač Emado d.o.o. Sarajevo dostavio kvalifikovanu ponudu sa najnižom cijenom, a obzirom da je najniža cijena bio kriterij za izbor najpovoljnije ponude, odlučeno je kao u članu 1. ove odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, u roku od 10 dana od dana prijema ove odluke.

Dostaviti:

Emado d.o.o. Sarajevo, kontakt@emado.ba
 PR Media Market Prijedor, mediamarket.pd@hotmail.com
 Printex d.o.o. Sarajevo, prodaja@printex.ba
 Inter-Com d.o.o. Zenica, amer@inter-com.ba
 www.ksud-zenica.pravosudje.ba



Predsjednica Suda

Snježana Čolaković